

## Savjeti za sezonu grijanja

Dolaskom hladnijih dana i nižih temperatura započinje sezona grijanja stambenih i poslovnih što povećava opasnost od požara.

Služba civilne zaštite upozorava sugrađane na poduzimanje preventivnih mjera zaštite od požara, prvenstveno na redovno čišćenje dimovodnih kanala koje se izvodi u svrhu izbjegavanja nastanka požara, ali i trovanja ugljen monoksidom (CO).

Kako bi dimnjak ispravno vršio svoju funkciju i ne bi predstavljao sigurnosnu prijetnju za svoje korisnike upozoravamo građane da je

### Redovno čišćenje dimnjaka neophodno

Uslijed neredovnog čišćenja dimovodnog kanala taloži se čađ na stjenke dimnjaka i čađ se može zapaliti. Ukoliko dimnjaci nisu pravilno i kvalitetno izgrađeni požar se može prenijeti na drvenu konstrukciju krovišta objekta. Ukoliko se čađ u dimnjaku zapali ne ulijevajte vodu u dimnjak jer može doći do eksplozije vodene pare, ili pucanja stijenki. Kada čađa izgori i dimnjak se ohladi, može se obaviti čišćenje.

### Potrebno je ukloniti sav zapaljivi materijal u neposrednoj blizini dimnjaka

Posebno na tavanskim prostorijama koje često znaju biti zakrčene zapaljivim materijalima neposredno uz dimnjake (kartonske kutije, drveni predmeti i sl.)

- U blizini peći koje isijavaju toplinu ne smiju se držati zapaljive tvari i takve peći se obavezno moraju povremeno nadzirati.
- Prilikom loženja peći na čvrsta goriva (ugalj, drvo) ne smiju se koristiti zapaljive tečnosti za lakše paljenje niti improvizirani dimovodi, a zapaljive tvari potrebno je koristiti na ispravan način.
- Ostatke od gorenja kao što je pepeo i žar ne odlagati u posude izrađene od zapaljivih materijala, ili ako se odlažu na otvorenom prostoru potrebno je dobro provjeriti što se u blizini nalazi kako ne bi došlo do požara.
- Očišćeni pepeo može izazvati požar i nakon 24 sata stoga nemojte bacati vrući pepeo u kontejnere za smeće.

### U slučaju izbijanja požara, potrebno je da odmah o tome obavijeste:

- **vatrogasce na telefonski broj 123, policiju na telefonski broj 122 ili Kantonalni operativni centar civilne zaštite na telefonski broj 121**
- susjedne stanare, jer je mogućnost nastanka otrovnog plina ugljen – monoksida izuzetno velika.

- ukoliko je u prostoriji dim, ne ulazite u tu prostoriju.
- ukoliko sumnjate na požar dimnjaka ne nastavljajte loženje, već prigušite vatru. Požar dimnjaka se manifestuje kao: pucketanje u dimnjaku, zvuk sličan huktanju koje postaje sve snažnije, crni dim iz dimnjaka, iskre koje lete ili čak plamen iz dimnjaka, vruće rozete, loše sagorijevanje, zadimljene prostorije stana i vreli zidovi dimnjaka.
- uklonite sve zapaljive predmete u blizini dimnjaka
- vatrogascima omogućite pristup u stanove
- požar u dimnjaku NIKADA ne gasite vodom
- nakon požara dimnjaka kontrolišite temperaturu spoljašnjeg zida dimnjaka još 2 do 3 sata
- nakon požara dimnjaka ovlašteni dimnjačar mora pregledati dimnjak jer postoji vjerovatnoća da je požar ošteti dimnjak.

Apelujemo na sve građane da odmah preduzmu navedene preventivne mjere, jer će samo tako smanjiti mogućnost izbijanja požara, a samim tim izbjeći ljudske povrede i žrtve te velike materijalne štete.